

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ
ՄԱՐԶԻ

ԳՅՈՒԼԱԳԱՐԱԿ ՀԱՄԱՅՆՔԻ

2023-2027 ԹՎԱԿԱՆՆԵՐԻ

ԶԱՐԳԱՑՄԱՆ ԾՐԱԳԻՐ



Հաստատվել է՝ համայնքի ավագանու -----

-- 2023թ. թիվ ռրոշմամբ

Բովանդակություն

1. Համայնքի ղեկավարի ողջույնի խոսքը

2. Համայնքի իրավիճակի նկարագրություն

2.1 Աշխարհագրական դիրքը, պատմական ակնարկ

2.2 Տեղական ինքնակառավարման մարմինները

2.3 Քաղաքաշինություն և կոմունալ տնտեսություն

2.4 Համայնքի կազմի մեջ մտնող բնակավայրերի հողային հաշվեկշիռը

2.5 Գյուղատնտեսություն

2.6 Համայնքում առկա անասնազվաքանակի տվյալները ըստ առանձին բնակավայրերի

2.7 Կրթություն

2.8 Բնություն և շրջակա միջավայրի պահպանություն

2.9 Աղետների ռիսկերի կառավարում

3. Համայնքի սոցիալ-տնտեսական վիճակը

3.1 Համայնքում իրականացվող ծրագրերը

3.2 Համայնքի ուժեղ ու թույլ կողմերի, հնարավորությունների և սպառնալիքների (ՈԻԹՄՀ) վերլուծություն

4. Նպատակների սահմանում և գործողությունների պլանավորում

4.1 Համայնքի զարգացման տեսլական

4.2 Համայնքի զարգացման անմիջական նպատակները

5. ՀՀԾԾ-ի իրականացումը, մշտադիտարկումը (մոնիթորինգը) և գնահատումը, վերահսկումը, հաշվետվությունների կազմումը, վերանայումը

հզհծ-ի իրականացումը

6. Եզրափակում

1. Համայնքի ղեկավարի ողջույնի խոսքը



Գյուլագարակ համայնքի հարգելի բնակիչներ, ավագանու անդամներ, համայնքապետարանի աշխատակազմ, ողջունում եմ Ձեզ և շնորհակալություն հայտնում համայնքի ֆինանսական, տնտեսական, սոցիալ-տնտեսական, նյութական և այլ ռեսուրսների քննարկմանը մասնակցելու և հետաքրքրություն ցուցաբերելու համար: Հաշվի առնելով Գյուլագարակ համայնքի յուրաքանչյուր բնակավայրի առանձնահատկություններն ու կարիքները՝ փորձելու ենք լուծում տալ խնդիրներին և ստեղծել բարեկեցիկ ու բարձրակարգ կենսապայմաններով

ապահովված համայնք:

Գյուլագարակ համայնքում իրականացվել են մի շարք կարևոր խնդիրներ՝ լուսավորություն, ջրագծերի նորոգում, մանկապարտեզների հիմնանորոգում և այլ կարևորագույն խնդիրներ:

Համայնքում իրականացվելիք ծրագրերից են՝ համայնքային ճանապարհների նորոգումը, ջրագծերով ապահովումը, արևային էներգիայի կիրառումը, տարաբնույթ ծրագրերի ներգրավման միջոցով աշխատատեղերի ստեղծումը, փոքր և միջին ձեռնարկությունների զարգացումը և մի շարք այլ կարևոր նախաձեռնություններ:

Ուզում եմ շնորհակալություն հայտնել համայնքային ենթակայության բոլոր կառույցներին՝ համայնքի հզորացման գործում ունեցած մասնակցության համար:

Հզոր համայնք կառուցելու հնարավորությունն այսօր մեր բոլորի ձեռքում է: Մենք միասին կարող ենք կերտել ապահով ու կայուն միջավայր:

Գյուլագարակ համայնքի հնգամյա զարգացման ծրագրի հեռանկարային ուղղությունները հետևյալն են .

- Համայնքի արդյունավետ կառավարման նպատակով հատուկ ուշադրություն դարձնել կադրերի ընտրությանն ու աշխատանքների ճիշտ կազմակերպումը:
- Զարկ տալ տուրիզմի զարգացմանը
- Զարգացնել գյուղատնտեսությունը՝ ձեռք բերել գյուղատնտեսական տեխնիկա, իրականացնել բնապահպանական ծրագրեր:
- Ստեղծել նոր աշխատատեղեր
- Բարելավել համայնքի ֆինանսական կարողությունները՝ ներգրավելով միջազգային դոնոր կազմակերպությունների: Նրանց ներգրավմամբ իրականացնել բարեփոխումներ՝ նպաստելով համայնքի զարգացմանը:
- Հատուկ ուշադրություն դարձնել կրթությանը, մշակույթի զարգացմանը
- Միջոցներ ձեռնարկել համայնքի սոցիալապես անապահով խավերի սոցիալական պայմանների բարելավման ուղղությամբ
- Բարձրացնել բնակչությանը մատուցվող ծառայությունների և սպասարկումների մակարդակը
- Նպատակային օգտագործել համայնքային բյուջեի միջոցները:

Համայնքի առկա հիմնախնդիրներն են՝

- Աշխատատեղերի բացակայությունը
- Համայնքի խնդիրների լուծման գործընթացում բնակչության ներգրավվածության ցածր մակարդակը
- Ներհամայնքային , ներբնակավայրային ճանապարհների և փողոցների զգալի մասի անմխիթար վիճակը
- Գյուղատնտեսական տեխնիկայի սակավությունը
- Ոռոգման ջրի բացակայությունը
- Համայնքում մշակութային ենթակառուցվածքների անմխիթար վիճակը

Լուծման ուղիները.

- Հանրային մասնակցություն
- Համագործակցություն միջազգային և հասարակական կազմակերպությունների հետ
- Աշխատատեղերի ստեղծում
- Լրացուցիչ ֆինանսական միջոցների ներգրավում:

Ծրագրի մշակման , քննարկման և հաստատման գործընթացը

Համայնքի զարգացման ծրագիրը մշակելիս հաշվի են առնվել համայնքի առկա ռեսուրսները , տեղական առանձնահատկությունները, երկրի տնտեսական առկա իրավիճակը, ինչպես նաև առաջիկա զարգացումների կանխատեսումները:

Համայնքի հնգամյա ծրագրի կազմման աշխատանքներին մասնակցել են ՏԻՄ մարմինները, աշխատակազմը: Համայնքի ղեկավարի կողմից ներկայացված հնգամյա ծրագրում ընդգրկվելիք հարցերը քննարկվել են հանրային լսումներում, որի ընթացքում հաշվի է առնվել յուրաքանչյուր առաջարկ և հնարավորության սահմաններում ընդգրկվել է հնգամյա զարգացման ծրագրի մեջ:

2.Համայնքի իրավիճակի նկարագրություն

2.1 Աշխարհագրական դիրքը , պատմական համառոտ ակնարկ

Գյուլագարակ համայնք ՀՀ Լոռու մարզում: Ներառում է Գյուլագարակ, Ամրակից, Գարգառ, Կուրթան, Հոբարձի, Պուշկինո և Վարդաբլուր գյուղերը: Համայնքը ստեղծվել է 2017 թվականի հունիսի 9 -ին ՀՀ Ազգային Ժողովում համայնքների խոշորացման օրինագծով: Կենտրոնը Գյուլագարակ գյուղն է: Համայնքի տեղական ինքնակառավարման մարմինների առաջին ընտրությունները կայացել են 2017 թվականի նոյեմբերի 5-ին:

Աղյուսակ 1.Համայնքի բնակավայրերի վարչական տարածքի , առկա և մշտական բնակչության , տնային տնտեսությունների ցուցանիշները (01.01.2023թվականի դրությամբ)

հ/հ	Բնակավայրի անվանումը	Վարչական տարածքը (հա)	Առկա բնակչության թվաքանակը (մարդ)	Մշտական բնակչության թվաքանակը (մարդ)	Առկա տնտեսությունների քանակը	Մշտական տնտեսությունների քանակը
1.	Գյուլագարակ	2450,93	2245	2139	496	655
2.	Կուրթան	2092,83	1267	1410	383	491
3.	Վարդաբլուր	2056,25	1327	1316	262	307
4.	Հոբարձի	995,89	598	569	156	197
5.	Գարգառ	3543,62	1367	1340	373	389
6.	Պուշկինո	7450,38	265	222	118	219
7.	Ամրակից	1382	426	394	130	180
	ընդամենը	199719	7495	7390	1918	2438



Ստորև ներկայացվում է համառոտ տեղեկատվություն համայնքի կազմում ընդգրկված բնակավայրերի մասին

ԿՈՒՐԹԱՆ ԲՆԱԿԱՎԱՅՐ



Կուրթան գյուղը գտնվում է Հայաստանի հանրապետության հյուսիսային հատվածում: Այն տեղավորված է Բարձր և հարթ սարավանդի վրա: Գյուղի ձախ մասից հոսում է ջրառատ Ձորագետը, որը հարյուր մետրից ավելի խոր կիրճ է առաջացրել, իսկ աջ կողմով հոսում է Գարգառ գետը:

Բարձրությունը ծովի մակարդակից 1260 -1270մ է: Կիրճերի զառիթափ կտրվածքներում երևում են մախրակապտավուն բազալտի կարծր շերտերը, որոնցում կան մի շարք քարանձավներ:



Գյուղը Ստեփանավանից գտնվում է 18կմ հեռավորության, իսկ մարզկենտրոնից՝ 30կմ հեռավորության վրա:

Բնակչությունը զբաղվում է անասնապահությամբ, հողագործությամբ և մեղվաբուծությամբ:

Գյուղում և շրջակայքում պահպանվել են՝ խաչքարեր, մատուռներ, կամուրջներ և այլ շինության մնացորդներ:

Գյուղից արևելք՝ Կուրթանի ձորում, Ձորագետի աջ ափին է գտնվում Հնեվանքի համալիրը:



Կուրթան գյուղում են գտնվում [Սբ. Աստվածածին](#) (VI դարեր), և [«Գտեվանք»](#) (VI-XVII դարեր), եկեղեցիները:



ՎԱՐԴԱԲԼՈՒՐ ԲՆԱԿԱՎԱՅՐ



Ստեփանավանի տարածաշրջանի նշանավոր գյուղերից է, ունի 1368 բնակիչ, 307 տնտեսություն: Գտնվում է Գարգառ գետի երկու ափերի ընդարձակ հարթություններում՝ ծովի մակարդակից 1320 մ բարձրության վրա:

Վարդաբլուրի տեղում եղել է հին գյուղատեղի, որի մասին վկայում են գերեզմանաքարերի և շինությունների մնացորդները: Իսկ ներկայիս գյուղը ձևավորվել է 18-րդ դարի կեսերին, Մուշից և Մասունից գաղթածների շնորհիվ: Գյուղի առաջացմանը նպաստող գործոններ են եղել լավագույն սևահողերով ընդարձակ հարթ տարածքները, կլիմայական բարենպաստ պայմանները, ջրով ապահովվածությունը:



Վարդաբլուրի տարածքում պահպանված են մի շարք մեծ ու փոքր ճարտարապետական կոթողներ, որոնց մի մասն ավերված է: Հայտնի է 6-րդ դարի կառույց Ջգրաշենի եկեղեցին, Ջաքարյանների օրոք հիմնված ամրոցը (10-11-րդ

դարեր), Սուրբ Սարգիս լեռան վրա լավ պահպանված Աշոտ Երկաթի բերդը, գերազմանատներ ու խաչքարեր (11-19-րդ դարեր), երկրորդ աշխարհամարտում զոհվածներին նվիրված հուշակոթող:

Գյուղի հոգևոր կյանքում մեծ է Սբ. Աստվածածին եկեղեցու (1876թ.) դերը:

Գյուղում ստեղծված են արհեստական լճակների համակարգ, ուր ամռանն այցելում են բազմաթիվ զբոսաշրջիկներ՝ հիանալու գյուղի չնաշխարհիկ բնությամբ:





ՀՈԲԱՐՁԻ ԲՆԱԿԱՎԱՅՐ



Հոբարձի, գյուղ Հայաստանի Հանրապետության Լոռու մարզի Ստեփանավանի տարածաշրջանում, Ստեփանավանից մոտ 8 կմ հարավ-արևելք: Գյուղում պահպանվել է V - VI դարերի սրահավոր, միանավ թաղածածկ դահլիճ տիպի եկեղեցի: Բնակչության հիմնական զբաղմունքը այգեգործությունը, անասնապահությունն ու բանջարաբուծությունն է: Զբաղվում են նաև հացահատիկի և կերային կուլտուրաների մշակությամբ:



Գյուղում եղել են զրույցներ իբրև եկեղեցին հունական պատկանելիություն ունի: Սակայն դա այնքան էլ այդպես չէ, քանի որ եկեղեցու բակում գտնվող և՛ գերեզմաններն են հայկական և՛ գյուղն է հայկական: Միակ բացատրությունը թե մարդկանց մոտ ինչու է թյուր կարծիք ստեղծվել, պատճառն այն է որ 19-րդ դարում

տարածաշրջանում հայտնի վարպետների խմբեր են եղել, որոնք վարձատրության դիմաց հայկական եկեղեցիներ են կառուցել, որպես օրինակ՝ Վարդաբլուրի Սուրբ Աստվածածին եկեղեցին, որը կառուցել են հույն վարպետներ, իսկ Հոբարձու եկեղեցին վերակառուցելիս խորանը իրենց ոճով են պատրաստել, առանց բեմը բարձրացնելու՝ գավիթի մակարդակի:




ԳՅՈՒԼԱԳԱՐԱԿ ԲՆԱԿԱՎԱՅՐ



Գյուլագարակ, գյուղ Հայաստանի հյուսիսում գտնվող Լոռու մարզում՝ Ձորագետի Գարգառ վտակի ձախ ափին՝ ծովի մակարդակից 1400 մ բարձրության վրա: 2017 թվականին վարչատարածքային բաժանման բարեփոխումների արդյունքում Գյուլագարակը միավորվել է Ամրակից, Գարգառ, Կուրթան, Հոբարձի, Պուշկինո և Վարդաբլուր գյուղերի հետ՝ ձևավորելով համանուն խոշորացված համայնքը:

Գյուլագարակի ռելիեֆը նախալեռնային է, կլիման ձմռանը ցրտաշունչ է, ամռանը՝ զով: Այն բավական խոնավ է, տաք ու առողջարար, ինչով էլ պայմանավորված համարվում է ամառանոցային հիանալի վայր: Այստեղ են գտնվում Գյուլագարակի սոճու արգելավայրը, «Սոճուտ» մանկական առողջարանը և «Դենդրոպարկը», ինչը կարևոր նշանակություն ունի գյուղի զբոսաշրջային գրավչության համար:



Հայտնի է, որ Գյուլագարակ համայնքի այժմեական տարածքը բնակեցված է եղել նախքան 5-րդ դարը: Գյուղից 2 կմ հարավ գտնվում է Տորմակադուռ գյուղատեղին իր [Տորմակ եկեղեցով](#) (6-րդ դար), իսկ 2 կմ արևմուտք՝ 4-5-րդ դարերի Սուրբ Գևորգ մատուռը: Այնուամենայնիվ, գյուղը, որպես այդպիսին, հիմնադրվել է 1750 թվականին: Գյուղի պատմամշակութային ժառանգության մաս է կազմում նաև 19-րդ դարի վերջին հիմնված Գյուլագարակի եկեղեցին, որը խորհրդային ժամանակաշրջանում օգտագործվել է որպես հացահատկի պահեստ:





ԳԱՐԳԱՌ ԲՆԱԿԱՎԱՅՐ



Գարգառը գտնվում է ծովի մակարդակից 1400-1500 մ բարձրության վրա:
Հեռավորությունը մարզկենտրոն Վանաձորից կազմում է 26 կմ:

Գյուղի աշխարհագրական դիրքը շատ նպաստավոր է, առաջին հերթին,
հաղորդակցման տեսակետից, քանի որ նրա միջով է անցնում հանրապետական
նշանակության Երևան-Թբիլիսի մայրուղին:

Համայնքի հողերն անջրդի են: Գյուղում հիմնականում զբաղվում են ցորենի,
կարտոֆիլի, բանջարաբոստանային կուլտուրաների արտադրությամբ:

Բնակավայրի շրջակայքում կա 6 խաչքար, մեկ եկեղեցի, 2 մատուռ, մեկ
գերեզմանոց, զոհված զինվորներին նվիրված 2 հուշակոթող և 1 հուշաղբյուր՝ «Ալ.
Պուշկինի հանդիպումը Ալ. Գրիբոյեդովի դիակառքին»:



ՊՈՒՇԿԻՆՈ ԲՆԱԿԱՎԱՅՐ



Պուշկինո (նախկինում՝ *Գյառգյառ ռուսական*), գյուղ Հայաստանի Հանրապետության Լոռու մարզի Ստեփանավանի տարածաշրջանում՝ Ստեփանավան քաղաքից մոտ 4 կմ հարավ-արևելք, Ձորագետի աջակողմյան Գարգառ վտակի ափին: Պուշկինո է վերանվանվել 1937 թ. փետրվարի 14-ին

Բարձրությունը ծովի մակերևույթից՝ 1450 մ, հեռավորությունը մարզկենտրոն Վանաձորից՝ 15 կմ հյուսիս-արևմուտք:




Պուշկինո համայնքի բնակչությունը հիմնականում զբաղվում է ցորենի, գարու, կարտոֆիլի, բանջարաբաժոստանային, ինչպես նաև կերային կուլտուրաների մշակությամբ: Գյուղացիների մեծ մասը զբաղվում է անասնապահությամբ: Արտադրում են կաթ, միս, բուրդ, ձու, մեղր^[3]:

Պուշկինոն ներկայիս անունը ստացել է 1870 թվականին ռուս հանճարեղ գրող Ալեքսանդր Պուշկինի պատվին^[3]:



ԱՄՐԱԿԻՑ ԲՆԱԿԱՎԱՅՐ



Ամրակից (նախկինում՝ Նիկողանկա կամ Նովոնիկողանկա, Կիրով), գյուղ Հայաստանի Հանրապետության Լոռու մարզի Ստեփանավանի տարածաշրջանում՝ Ստեփանավան քաղաքից 2 կմ արևելք: Հեռավորությունը մարզկենտրոն Վանաձորից կազմում է 30 կմ: Գյուղը հիմնադրվել է 1840-ական թթ. պատմական Ամրակ (Ամրակից) գյուղի տեղում^[1]: Հիմնադրումից հետո կրել

Է Նիկողանկա կամ Նովոնիկողանկա անվանումները, 1938 թվականին վերանվանվել Կիրով, 1991 թվականին՝ Ամրակից

Գյուղը գտնվում է Ձորագետի աջափնյակում՝ Բագումի լեռնաշղթայի հյուսիսահայաց լանջին՝ բլրապատ հարթավայրում՝ ծովի մակարդակից 1380 մ բարձրության վրա: Գյուղում կա քարաշեն եկեղեցի:

2017 թվականին այն ներառվել է Գյուլագարակ խոշորացված համայնքի մեջ: Համարվում է, որ Ամրակիցը հիմնադրվել է 1840-ական թթ., չնայած այստեղ ավելի հին պատմական կառույցներ կան, օրինակ՝ 13-րդ դարի եկեղեցիներ, 13-18-րդ դարերի գերեզմանոց, մ.թ.ա. 2-1 հազարամյակների դամբարանադաշտ, ինչպես նաև միջնադարյան Ամրակ (Ամրակից) գյուղատեղին, որի անունն էլ կրում է ներկա բնակավայրը:

Ամրակիցը մինչև 1960-ականները ռուսական գյուղ էր, սակայն այդ տարիներին այստեղ սկսել են հայեր հաստատվել, որոնց թիվը կտրուկ աճել է 1988-ի երկրաշարժից հետո: Հայերը եկել են տարբեր վայրերից, այդ թվում՝ Ստեփանավանից, Երևանից, մի մասն էլ (35-40 %) գաղթել է Ադրբեջանից:



ԺՈՂՈՎՈՐԴԱԳՐՈՒԹՅՈՒՆ

Աղյուսակ 2: Գյուլագարակ համայնքի ժողովրդագրության վերաբերյալ ցուցանիշներ
01.01.2023 թվականի դրությամբ

Տարիք	0-15	16-62	63-ից բարձր
Գյուլագարակ	508	1396	341
Կուրթան	280	820	222
Վարդաբլուր	221	909	197
Հոբարձի	126	354	118
Գարգառ	249	893	225
Ամրակից	88	253	85
Պուշկինո	78	145	42
ընդամենը	1550	4770	1230

2.2 ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԸ

Տեղական ինքնակառավարումը բնակչության բարեկեցության բարելավման նպատակով սեփական պատասխանատվությամբ և օրենքի շրջանակներում ինքնուրույն գործող տեղական ինքնակառավարման մարմինների համայնքային խնդիրները լուծելու և համայնքի սեփականությունը տնօրինելու՝ Հայաստանի Հանրապետության Սահմանադրությամբ և սույն օրենքով երաշխավորված իրավունքն ու համայնքի կարողությունն է:

Գյուլագարակ համայնքում տեղական ինքնակառավարումն իրականացվում է ընտրությունների արդյունքում ձևավորված իշխանությունները՝ համայնքի ղեկավարն ու համայնքի ներկայացուցչական մարմինը՝ ավագանին իր 15 անդամներով :

2.3 ՔԱՂԱՔԱՇԻՆՈՒԹՅՈՒՆ ԵՎ ԿՈՄՈՒՆԱԼ ՏՆՏԵՍՈՒԹՅՈՒՆ

«Գյուլագարակ համայնք ընդհանուր սպասարկում» ՀՈԱԿ -ի միջոցով կազմակերպվում և իրականացվում է մաքրման և աղբահանության աշխատանքները: Համայնքի տարածքում գիշերային (արտաքին) լուսավորության ցանցը ապահովում է համայնքի անհրաժեշտ գիշերային լուսավորությանը: Բնակավայրերում լուսավորությունը կազմում է մոտ 60 % իսկ որոշ բնակավայրերում հասնում է 100%-ի : Համայնքի առաջնային և կարևորագույն հարցերից է ամբողջությամբ լուսավորել բոլոր բնակավայրերը:

Բնական գազի հասանելիությունը բնակչությանը կազմում է 95%:

Խմելու ջրի մատակարարումը համարվում է համայնքի կարևորագույն խնդիրներից ամենաառաջնահերթը: Համայնքի հինգ բնակավայրերը ապահովված են շուրջօրյա ջրով , իսկ երկու բնակավայրերում ունենք շուրջօրյա ջրամատակարարման խնդիր:

Բոլոր բնակավայրերում առկա է գերեզմանատների ցանկապատման կամ եղած ցանկապատերի թարմացման խնդիր:

2.4 ՀԱՄԱՅՆՔԻ ԿԱԶՄԻ ՄԵՋ ՄՏՆՈՂ ԲՆԱԿԱՎԱՅՐԵՐԻ ՀՈՂԱՅԻՆ ՀԱՇՎԵԿՇԻՌԸ

Աղյուսակ 4. Համայնքի կազմի մեջ մտնող բնակավայրերի հողային հաշվեկշիռ

Հ/հ	Բնակավայրի անվանումը	Վարելահողերի ընդհանուր չափը (հա)	Այդ թվում՝		
			Խոտհարք ընդհանուր չափը (հա)	Արոտ ընդհանուր չափը (հա)	Այլ հողատեսք ընդհանուր չափը (հա)
1.	Կուրթան	760,92	119,73	277,60	295,71
2.	Վարդաբլուր	819,98	146,67	250,13	167,50
3.	Հոբարձի	302,37	75,17	316,73	54,35
4.	Գյուլագարակ	894,26	188,33	432,91	142,39
5.	Գարգառ	647,11	127,96	975,22	155,79
6.	Պուշկինո	351,42	551,59	4455,20	494,65
7.	Ամրակից	481,58	148,00	313,86	105,22
	Ընդամենը՝	4257,64	1357,45	7021,65	1415,61

Համայնքի վարչական սահմաններում ընդգրկված հողերի ընդհանուր մակերեսը 19975 հա է:

2.5 Գյուղատնտեսություն

Համայնքում զարգացած է բուսաբուծությունը և անասնապահությունը:

Համայնքի սեփականաշնորհված և վարձակալությամբ տրված վարելահողերում ցանվում են հացահատիկային մշակքույսեր՝ ցորեն, գարի և այլ կուլտուրաներ: Վերջին տարիներին փոքր չափով սկսել են մշակել նաև ոչ ավանդական մշակաբույսեր:

Հացահատիկային կուլտուրաների արտադրությունն ու անասնապահությունը հանդիսանում են Գյուլագարակ համայնքի տնտեսական զարգացման կարևոր ոլորտ:

Այս երկու ոլորտները ունեն զարգանալու մեծ հնարավորություններ:

Համայնքի բնակիչները զբաղվում են նաև խոշոր և մանր եղջերավոր անասնապահությամբ, զարգացան միտում ունի մեղվաբուծությունը: Հիմնականում յուրաքանչյուր տնտեսություն իր արտադրանքը սպառում է իր տնտեսության ներսում:

2.6 ԳՑՈՒԼԱԳԱՐԱԿ ՀԱՄԱՅՆՔՈՒՄ ԱՌԿԱ ԱՆԱՄՆԱԳԼԽԱՔԱՆԱԿԻ ՏՎՑԱԼՆԵՐՆ ԸՍՏ ԱՌԱՆՁԻՆ ԲՆԱԿԱՎԱՅՐԵՐԻ

(01.01.2023թ. դրությամբ)

Աղյուսակ 5

1120	Ցուցանիշները	Կորթան	Վարդանուր	Հորաբձի	Գյուլագարակ	Գարգառ	Պուշկինո	Ամբակից
1.	Խոշոր եղջերավոր անասունների գլխաքանակը, որից՝	875	653	432	716	406	468	369
	Կովեր	272	269	139	390	173	244	199
2.	Խոզերի գլխաքանակը	524	469	309	74	26	58	76
3.	Ոչխարների և այծերի գլխաքանակը	214	437	268	453	207	-	105
4.	Ավանակների գլխաքանակը	-	1	1	1	-	1	-
5.	Զիերի գլխաքանակը	4	15	19	16	7	7	2
6.	Հավերի և այլ թռչունների գլխաքանակը	2699	2815	1120	2322	692	217	893
7.	Մեղվաբնտանիքների քանակը	111	252	180	82	46	57	106

2.7 ԿՐԹՈՒԹՅՈՒՆ

Գյուլագարակ համայնքում գործում են հանրակրթական միջնակարգ 7 դպրոցներ՝ ՀՀ Լոռու մարզի Գյուլագարակի միջնակարգ դպրոց ՊՈԱԿ, ՀՀ Լոռու մարզի Կուրթանի միջնակարգ դպրոց ՊՈԱԿ, ՀՀ Լոռու մարզի Վարդաբլուրի միջնակարգ դպրոց ՊՈԱԿ, ՀՀ Լոռու մարզի Հոբարձու միջնակարգ դպրոց ՊՈԱԿ, ՀՀ Լոռու մարզի Գարգառի միջնակարգ դպրոց ՊՈԱԿ, ՀՀ Լոռու մարզի Ամրակիցի միջնակարգ դպրոց ՊՈԱԿ, ՀՀ Լոռու մարզի Պուշկինոյի միջնակարգ դպրոց ՊՈԱԿ, որտեղ սովորում են 1001 աշակերտներ:

ՀՀ Լոռու մարզի Գյուլագարակ համայնքում գործում են 6 նախադպրոցական ուսումնական հաստատություն՝ «ՀՀ Լոռու մարզի Գյուլագարակ համայնքի Կուրթան գյուղի մանկապարտեզ» ՀՈԱԿ, «ՀՀ Լոռու մարզի Գյուլագարակ համայնքի Վարդաբլուր գյուղի մանկապարտեզ» ՀՈԱԿ, «ՀՀ Լոռու մարզի Գյուլագարակ համայնքի Հոբարձի գյուղի մանկապարտեզ» ՀՈԱԿ, «ՀՀ Լոռու մարզի Գյուլագարակ համայնքի Գարգառ գյուղի մանկապարտեզ» ՀՈԱԿ, «ՀՀ Լոռու մարզի Գյուլագարակ համայնքի Ամրակից գյուղի մանկապարտեզ» ՀՈԱԿ, որտեղ հաճախում են 179 երեխաներ:

Աղյուսակ 6. ԳՅՈՒԼԱԳԱՐԱԿ ՀԱՄԱՅՆՔՈՒՄ ԱՇԱԿԵՐՏՆԵՐԻ ԵՎ ԲՈՒՀ ՍՈՎՈՐՈՂՆԵՐԻ ԹՎԱՔԱՆԱԿԸ ԸՍՏ ԱՌԱՆՁԻՆ ԲՆԱԿԱՎԱՅՐԵՐԻ

(01.01.2023թ. դրությամբ)

Հ/Հ	Ցուցանիշները	Կուրթան	Վարդաբլուր	Հոբարձի	Գյուլագարակ	Գարգառ	Պուշկինո	Ամրակից
1.	Ընդհանուր աշակերտների քանակ	207	135	64	339	406	44	52
	Ավագ դպրոց հաճախող	24	24	6	33	23	-	11
2.	Տարական դպրոց հաճախող	84	40	26	131	60	17	17
3.	Միջին մասնագիտական ուսումնական հաստատություններ սովորող	14	1	2	13	12	4	8
4.	ԲՈՒՀ հաճախողներ	19	33	6	17	10	-	4

2.8 ԲՆՈՒԹՅԱՆ ԵՎ ՇՐՋԱԿԱ ԲՆԱԿԱՆ ՄԻՋԱՎԱՅՐԻ ՊԱՀՊԱՆՈՒԹՅՈՒՆ

Շրջակա միջավայրի և բնական ռեսուրսների համալիր պահպանությունը, բարելավումը, վերականգնումը և ողջամիտ օգտագործումը, ոչ միայն կարևոր նախապայման է մարդու և բնության ներդաշնակ գոյակցության, այլև երաշխիք երկրի կայուն զարգացման համար:

Համայնքում շրջակա միջավայրի պահպանության առումով առաջնային խնդիր է անտառների պահպանությունը, կանաչապատ տարածքների ավելացումը, համայնքի սանմաքրումը:

Համայնքում բնության և շրջակա միջավայրի պահպանության բնագավառում անհրաժեշտ է իրականացնել հետևյալ միջոցառումները՝

- ավելացնել գյուղի կանաչապատ տարածքները, կազմակերպել ծառատունկեր
- բարեկարգել զբոսայգիները
- կենցաղային աղբի տեսակավորված հավաքման համակարգի ստեղծում և աղբի տեսակավորման մշակույթի ստեղծում
- աղբահանության կազմակերպում տեսակավորման եղանակով
- Գետերի էկոհամակարգի վերականգնում
- Կազմակերպել շաբաթօրյակներ

Ներգրավել համայնքի բնակչությանը բնապահպանական խնդիրների լուծման գործընթացում՝ հասարակական կազմակերպությունների հետ համատեղ պարբերաբար անցկացվող սեմինարների, դասընթացների, տեսագովազդների, ցուցանակների և հանրային իրազեկման այլ միջոցներով:

2.9 ԱՂԵՏՆԵՐԻ ՌԻՄԿԵՐԻ ԿԱՌԱՎԱՐՈՒՄ

Հայաստանը ենթակա է բազմաթիվ բնական և տեխնոլոգիական վտանգների և կարիք ունի ռիսկի կառավարման տեղեկատվության հավաքագրման և օգտագործման միասնական համակարգի, վտանգի աղետների ռիսկի կենտրոնացված տվյալների բազայի և ռիսկի քատեզավորման համակարգված, համապետական նախաձեռնության:

Արտակարգ իրավիճակների առաջացման դեպքում քաղաքացիական պաշտպանության կազմակերպումը, կառավարումը հանդիսանում է համայնքային իշխանության կողմից պարտադիր կատարվող գործառնություն:

Գյուլագարակ համայնքի քաղաքապետության շտաբի պետն ի պաշտոնե համարվում է համայնքի ղեկավարը, որի անմիջական հանձնարարությամբ գործում են քաղաքապետության շտաբի առանձին ծառայությունները՝ ծառայությունների պետերի համակարգմամբ:

Արտակարգ իրավիճակներում փրկարարական աշխատանքների իրականացման գործում բնակչության էվակուացման համար մշակված է պլան, համապատասխան որի, բնակելի, հասարակական շենքերի, մյուս շենքերի ու շինությունների համար նախատեսված է հարմարավետ մոտեցումներով աշխատանքների տարման կոմունիկացիոն սխեմաներ: Բնակավայրերում եղած թաքստոցները հաշվառված են համայնքապետարանի կողմից: Ըստ անհրաժեշտության թաքստոցները ակավելացվի բնակչության թվին համապատասխան:

Համայնքում խոշոր աղետների ժամանակ բնակչության պաշտպանության կազմակերպումն

իրականացվում է ԱՌԿ խորհրդի կողմից, որի տեղակայման մշտական վայրը համարվում է

համայնքապետարանը: Համայնքապետարանից բնակչության պաշտպանության

կառավարումն անհնար լինելու դեպքում, ԱՌԿ խորհրդի ղեկավարի (համայնքի ղեկավարի)

որոշումով տեղակայման մշտական վայրը փոխվում է, որի մասին նախապես տեղեկացվում

են ԱՌԿ խորհրդի անդամները:

3. Համայնքի սոցիալ -տնտեսական վիճակը

Համայնքի ընդհանուր տարեկան բյուջեն՝ 333 մլն.

Ընդհանուր եկամուտների մեջ համայնքի սեփական եկամուտների բաժինը 34.1 (%)

Ծառայությունների բնագավառում համայնքի հիմնական ձեռնարկություններն են՝ Համայնքում առկա են մեծ, փոքր և միջին ձեռնարկատիրություններ, ուսումնական հաստատություններ և այլ կառույցներ: Չկան գործող արդյունաբերական ձեռնարկություններ, որտեղ բնակչությունը կունենա հիմնական աշխատանք, հացի խնդիրը լուծում են սեփականատերերի մոտ ունեցած սակավ աշխատանքով և ֆինանսական միջոցներով:

Համայնքում գործում են սննդի 7 և առևտրի 36 կետեր:

Համայնքի հիմնական գյուղատնտեսական արտադրանքներն են կարտոֆիլը, ցորենը, գարին, միսը, կաթը, բանջարաբուստանային կուլտուրաները, պտուղները, մեղրը, որոնց իրացման հիմնական շուկա է ՀՀ Լոռու մարզը:

Համայնքը աչքի է ընկնում գյուղատնտեսությամբ և անասնապահությամբ զբաղվածների մեծ քանակով: Համայնքում տարեց տարի զարգանում է տուրիզմը, քանի որ կլիման բարենպաստ է՝ ամռանը զով, ձմռանը՝ ցրտաչուն: Գյուլագարակում է գտնվում տարածաշրջանի համար կարևորագույն տուրիստական նշանակություն ունեցող <<Դենդրոպարկ>> բուսաբանական այգին:

- Գյուլագարակ բնակավայրում պահպանվել է 6-րդ դարի Տորմակադուռ միանավ եկեղեցին՝ իր հետաքրքիր կերտվածքով: Ունի վերանորոգման կարիք, քանի որ կիսով չափ քանդվել է հարձակումների և երկրաշարժերի պատճառով, սակայն չի կորցրել իր հմայքը: Գյուղի կենտրոնում է Գյուլագարակի եկեղեցին, որի ծածկը փլվել է 1988-ի երկրաշարժին:

Գյուլագարակում է գտնվում հայտնի <<Սոճուտ դենդրոպարկ>>:

Կուրթան բնակավայրում է գտնվում 10-րդ դարի Հնեվանքի վանական համալիրը: Համալիրը կիսով չափ ավերված է: Կիսականգուն է մնացել նաև 6-7-րդ դդ Գետնանի եկեղեցին: Գյուղում գործում է թանգարան: Հայտնի է գյուղի ձորն իր բնությամբ:

Վարդաբլուրում կիսականգուն է 6-րդ դարի Զգրաշենի եկեղեցին, Աշոտ երկաթի ամրությունը՝ լեռան գագաթին: Հայտնի են Վարդաբլուրի լճերը՝ իրենց գեղատեսիլ հմայքով:

Հոբարձիում կիսականգուն է 7-րդ դարի գյուղի եկեղեցին:

Գարգառը հայտնի է իր աշխարհագրական դիրքով և փարթամ բնությամբ:

Պուշկինոն հայտնի է որպես հիանալի ամառանոց, որ ամեն տարի հարյուրավոր հովեկների է ընդունում:

Ամրակիցում կանգուն է մնացել գյուղի ռուսական հնամենի եկեղեցին, որ հետաքրքրություն է առաջացնում հատկապես ռուս այցելուների շրջանում:

- դպրոցական, նախադպրոցական և արտադպրոցական կրթական հաստատություններ, Համայնքը աչքի է ընկնում կրթական բարձր մակարդակով: Համայնքում գործում է 7 միջնակարգ դպրոց, 6 մանկապարտեզ և 1 արվեստի դպրոց:

Զբաղվածության մակարդակը միջինից բարձր է, համայնքի բնակչության ընդհանուր թվաքանակից զբաղվածների թիվը կազմում է բնակչության 60%-ը:

3.1 Համայնքում իրականացվող ծրագրերը

Առաջիկա հինգ տարիների ընթացքում նախատեսվում են իրականացնել ծրագրեր, որոնք համայնքի զարգացման խնդիրները կլուծեն հիմնովին՝

- 1) պաշտպանել համայնքի բնակչության իրավունքները և օրինական շահերը.
- 2) բարելավել համայնքի բնակչության կոմունալ-կենցաղային պայմանները.
- 3) ապահովել համայնքի շինությունների պահպանումը, շահագործումը և բարեկարգումը.
- 4) նպաստել մշակույթի, մարզական և առողջապահական օջախների նորմալ գործունեությանը.
- 5) համայնքի տարածքում ստեղծել նոր աշխատատեղեր՝ զարգացնելով փոքր և միջին բիզնեսը, գյուղատնտեսությունը.
- 6) հատուկ ուշադրություն դարձնել կրթության օջախների նորմալ գործունեությանը.
- 7) միջոցներ ձեռնարկել սոցիալապես անապահով խավերի սոցիալական պայմանների բարելավման ուղղությամբ.
- 8) բարձրացնել համայնքապետարանի աշխատակազմի և համայնքապետարանի ենթակայության տակ գտնվող հիմնարկների կառավարման արդյունավետությունը:
- 9) ներհամայնքային ճանապարհների բարեկարգում տարիների ֆինասական վերլուծությունները և գալիք տարիների կանխատեսումները:

Մինչև սույն ծրագրի կազմման օրը 2022թ-ի ընթացքում համայնքը արդեն ներկայացրել է 3 ծրագրեր՝

1. Կուրթան և Վարդաբլուր բնակավայրերում մեկնարկ է տրվել մանկապարտեզիների հիմնանորոգման և կառուցման աշխատանքներին: Վարդաբլուրի մանկապարտեզի կառուցման համար նախատեսված է 153 մլն դրամ, որից համայնքի մասնաբաժինը կազմում է 46 մլն դրամ: Կուրթանի մանկապարտեզի շենքի հիմնանորոգման համար նախատեսված է 82 մլն դրամ, որից համայնքի մասնաբաժինը կազմում է 24 մլն ՀՀ դրամ:
2. Գյուլագարակ, Գարգառ , Պուշկինո և Ամրակից բնակավայրերում իրականացվել են գազաֆիկացման աշխատանքներ: Ծրագրի արժեքը կազմել է 107 մլն ՀՀ դրամ, համայնքի մասնաբաժինը՝ 48 մլն դրամ: Որի արդյունքում բնակչության 98% -ին հասանելի կլինի բնական գազ:
3. Գյուլագարակ բնակավայրում մեկնարկ է տվել Արվեստի դպրոցի շենքի կառուցմանը, որի համար նախատեսված է 75 մլն, համայնքի մասնաբաժինը՝ 41 մլն ՀՀ դրամ:

3.2 Համայնքի ուժեղ և թույլ կողմերի, հնարավորությունների և սպառնալիքների (ՈւՌՀՄ) վերլուծություն

Համայնքի ուժեղ կողմեր

- համայնքի աշխարհագրական դիրքը
- պատմամշակութային հուշակոթողների հարուստ ժառանգությունն ու մշակութային հարուստ ավանդույթները
- Զբոսաշրջային կենտրոնների առկայությունը
- Գյուղատնտեսական նշանակության հողերի առկայությունը
- Համայնքում իմելու ջրի առկայությունը
- Համերաշխ և հյուրասեր բնակչություն
- Համայնքի գազամատակարարման , էլեկտրամատակարարման համակարգերի առկայությունը
- Բարձրագույն և միջնակարգ կրթությամբ մասնագետների առկայությունը
- Համայնքում հեռախոսակապի, ինտերնետ կապի և հեռուստատեսության առկայությունը
- Համայնքի գիշերային լուսավորության ցանցի առկայությունը
- Հակակարկտային կայանների առկայություն

Համայնքի թույլ կողմեր

- Ֆինսական միջոցների սղությունը,

- Գործազրկության բարձր մակարդակը , աշխատատեղերի պակասը
- Արտագաղթը
- Ծնելիության ցածր մակարդակը
- Ժամանցի վայրերի բացակայություն
- Ներհամայնքային ճանապարհների վատ վիճակ,
- Գյուղմթերքների արտահանման դժվարություն,
- Սպառման շուկաների դժվար հասանելիություն,
- Ներհամայնքային փողոցներում և ճանապարհներում ջրահեռացման համակարգերի բացակայություն ,
- Գյուղտեխնիկայի ոչ բավարար քանակ:
- Բնության պահպանություն, ծառահատումների մեծ քանակ

Հնարավորություններ

- Զբոսաշրջության զարգացումը
- Համայնքում գյուղատնտեսության զարգացման համար առկա հողային բավականին մեծ ռեսուրսների առկայությունը,
- Անասնապահության և դաշտավարության զարգացումը
- Համայնքի համեմատաբար բարենպաստ կլիման,
- Գյուղ արտադրական ծավալների ավելացման հնարավորություն,
- Պետական, տեղական և միջազգային ծրագրերի հնարավորություն ,
- Վերականգնվող էներգետիկ ռեսուրսների օգտագործման լայն հնարավորություններ

Սպառնալիքներ

- Բնակչության արտագաղթ,
- Ծնելիության ցածր մակարդակ,
- Տնտեսական վիճակի վատթարացում,
- Անտառային տարածքների ոչնչացում,
- Անկանխատեսելի ոլորտային փոփոխություններ
- Բնակլիմայական պայմանների փոփոխությունը և ազդեցությունը շրջակա միջավայրի վրա
- Կախվածությունը ավանդական գյուղատնտեսությունից:

4.Նպատակների սահմանում և գործողությունների պլանավորում

4.1 Համայնքի զարգացման տեսլական

Զարգացման հիմնական ուղղությունների իրականացման գործընթացում կարևորվում է տեղական իշխանությունների , համայնքի բնակչության , գործարարների համատեղ գործունեությունը, ինչպես նաև համագործակցությունը պետական կառավարման մարմինների և դոնոր կազմակերպությունների հետ:

Գյուլագարակ համայնքի առաքելությունն է ապահովել առողջ ու անվտանգ շրջակա միջավայր, որակյալ ծառայություններ մատուցել համայնքի բնակչությանը և զբոսաշրջիկներին, ապահովել համայնքի բնականոն զարգացումը, Գյուլագարակը դարձնել բարեկեցիկ և մրցունակ ներդրումների համար:

Համայնքի սահմանված տեսլականին հասնելու համար համայնքի ռազմավարությունն է՝

- 1) Գյուլագարակ համայնքի տարածքային համաչափ, կայուն զարգացումը և պլանավորումը
- 2) աշխատատեղերի ընդլայնումը՝ ռացիոնալ օգտագործելով բնական ռեսուրսները, զարգացնելով առևտրի և սպասարկան ոլորտը, գյուղատնտեսությունը
- 3) Համայնքի բնակչության բնական աճ,
- 4) Ներհամայնքային ճանապարհների և փողոցների հարթեցում, ասֆալտապատում և տուֆով սալարկում
- 5) ջրհեռացման առուների վերականգնում և մաքրում,
- 6) ակտիվ մշակությանին կյանքի կազմակերպում
- 7) Համայնքի բյուջեի եկամուտների ավելացման համար նախատեսվում է համայնքային հողերի վարձակալությամբ տրամադրում՝ հասարակական և արտադրական կառույցների և առևտրի կետերի կառուցման համար,
- 8) Սպորտդպրոցի սպորտհրապարակների կառուցում և կահավորում՝ ֆիզիկական կուլտուրայի զարգացման համար
- 9) համայնքի սեփականություն համարվող ենթակառուցվածքների պահպանում, նորոգում և շահագործում:
- 10) Համայնքում կարտոֆիլի և մրգերի պահեստավորման, տեսակավորման և վերամշակման հնարավորությունների ստեղծում,
- 11) Համայնքի ֆինանսական կառավարման համակարգում հստակ մեխանիզմների ներդրում և հետևողական կիրառում,
- 12) Նոր աշխատատեղերի ստեղծում և համայնքից միգրացիայի նվազեցում, բնակչության թվաքանակի կայունացում:

4.2 Համայնքի զարգացման անմիջական նպատակներ

- 1) Համայնքում գյուղատնտեսության (հողագործության, անասնապահության, այգեգործության, մեղվապահության) զարգացում՝ տնամերձերի, վարելահողերի, խոտհարքների և արոտավայրերի նպատակային և արդյունավետ օգտագործման միջոցով,
- 2) Ներհամայնքային ճանապարհների և փողոցների վիճակի բարելավում,
- 3) Գործարար միջավայրի բարելավում և ձեռնարկատիրության խթանում.
- 4) Նախադպրոցական կրթության և արտադպրոցական դաստիարակության կազմակերպում
- 5) Համայնքի բարեկարգումը և կանաչապատումը, համայնքի աղբահանությունը և սանիտարական մաքրումը, կոմունալ տնտեսության աշխատանքների ապահովումը,

- 6) Համայնքի հասարակական տրանսպորտի աշխատանքի կազմակերպումը, համայնքային ճանապարհային ենթակառուցվածքների պահպանումը և շահագործումը.
- 7) Համայնքներում գյուղատնտեսության զարգացման խթանումը.

ՀՀԶԾ-ում ընդգրկված ծրագրերն ֆինանսավորվելու են՝

- Համայնքի սեփական եկամուտներ,
- Ներքին պաշտոնական դրամաշնորհներ
- Արտաքին պաշտոնական դրամաշնորհներ,
- Բարեգործություն/նվիրատվություն,
- Այլ աղբյուրներ:

1. Արոտավայրերի ջրարբիացման համակարգի կառուցում
2. Գյուղտեխնիկայի ձեռքբերում
3. Համայնքի փողոցների և ճանապարհների բարեկարգում և ասֆալտապատում
4. Մշակույթի տների վերանորոգում
5. Զբոսայգիների կառուցում
- Սպորտ հրապարակի կառուցում
7. Եկեղեցիների վերանորոգում
8. Մեղվապահության ընդլայնում և էկոլոգիապես մաքուր մեղրի արտադրության աստիճանական զարգացում
9. Աղբահանության կազմակերպում

«Գյուլագարակ համայնքի կոմունալ ծառայություն»
(Ծրագրի անվանում)

Պարտադիր խնդիր, որի լուծմանն է միտված ծրագիրը	Աղբահանության կազմակերպում տեսակավորման միջոցով						
Ծրագրի անմիջական նպատակ	Համայնքաբնակների եկամուտների աճի ապահովում						
	Ցուցանիշներ (%)	Ելակետային Արժեք	Թիրախային արժեքներ				
		2023	2023	2024	2025	2026	2027
		0	50	60	70	85	100
Ծրագրի միջանկյալ արդյունքներ	1. Կոմունալ ծառայության բարելավում և զարգացում						
	Ցուցանիշներ(%)	Ելակետային Արժեք	Թիրախային արժեքներ				
		2023	2023	2024	2025	2026	2027
		0	70	80	90	95	98
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. Նստել առամասնագետը աղբ մեղաժանող կազմակերպությունների հետ						

ԾՐԱԳՐԻ ԱՆՁՆԱԳԻՐ 4

«Զբոսայգիների կառուցում»

(Ծրագրի անվանում)

Պարտադիր խնդիր, որի լուծմանն է միտված ծրագիրը	Բնակչի համար ստեղծել հանգստի պայմաններ, բարեկարգել համայնքի արտաքին տեսքը:						
Ծրագրի անմիջական նպատակ	Ցուցանիշներ Եկամտի աճ (%)	Ելակետայի ն արժեք	Թիրախային արժեքներ				
		2023	2023	2024	2025	2026	2027
		0	0	20	30	40	50
Ծրագրի միջանկյալ արդյունքներ	1. Զբոսայգիների կառուցում և կահավորում						
	Ցուցանիշներ (հատ)	Ելակետայի ն արժեք	Թիրախային արժեքներ				
		2023	2023	2024	2025	2026	2027
		0	0	20	30	40	50
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. նախագծանախահաշվարկային գործողություններ 1.2. այգիների բարեկարգում և կառուցում 1.3 կահավորում						
Ծրագրի բյուջեն	Ընթացիկ ծախսեր՝ 1 մլն դրամ Կապիտալ ծախսեր՝ 29 մլն դրամ Ընդհանուր բյուջեն՝ 30 մլն դրամ						
Ծրագրի իրականացման համար անհրաժեշտ այլ ռեսուրսներ	1.դրամական միջոցներ 2.աշխատուժ 3. տեխնիկա						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն, զբոսաշրջիկներ						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Ծրագրի նպատակն է համայնքի բնակիչների և զբոսաշրջիկների համար ստեղծել առօրյա հանգստի և ժամանցի վայրեր: Այիգիների ավելացումը կնպաստի կանաչապատ տարածքների ավելացմանը իսկ բնության պահպանությունը, բարելավումը, վերականգնումը կարևոր նախապայման է մարդու և բնության ներդաշնակ գոյակցության:						

ԾՐԱԳՐԻ ԱՆՁՆԱԳԻՐ 5

«Համայնքի փողոցների և ճանապարհների բարեկարգում, սալարկում և ասֆալտապատում»

(Ծրագրի անվանում)

Պարտադիր խնդիր, որի լուծմանն է միտված ծրագիրը	Համայնքային ճանապարհային ենթակառուցվածքների պահպանում և շահագործում						
Ծրագրի անմիջական նպատակ	Համայնքի բնակիչներին բարեկարգ ճանապարհով ապահովում						
	Ցուցանիշներ աճ (%)	Ելակետային արժեք	Թիրախային արժեքներ				
		2023	2023	2024	2025	2026	2027
		0	30	40	45	50	60
Ծրագրի միջանկյալ արդյունքներ	1.Փողոցների և ճանապարհների բարեկարգում						
	Ցուցանիշներ (կմ)	Ելակետային արժեք	Թիրախային արժեքներ				
		2023	2023	2024	2025	2026	2027
		0	30	40	45	50	60
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. Նախագծա-նախահաշվային փաստաթղթերի կազմում 1.2. Կնքել պայմանագիր հաղթող շին. կազմակերպության հետ իրականացնել աշխատանքները 1.3. Կատարել ներհամայնքային ճանապարհների վերանորոգում 1.4.Կատարել ներհամայնքային ճանապարհների բարեկարգում						
Ծրագրի բյուջեն	Ընթացիկ ծախսեր` 7 մլն դրամ Կապիտալ ծախսեր` 243 մլն դրամ Ընդհանուր բյուջեն` 250 մլն դրամ						
Ծրագրի իրականացման համար անհրաժեշտ այլ ռեսուրսներ	1.Դրամական միջոցներ 2.Նախագծի առկայություն 3.Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027 թվականներ						
Ծրագրի համառոտ նկարագրություն	Գյուլագարակ համայնքի ներհամայնքային ճանապարհների մի մասը` կենտրոնական փողոցները ասֆալտապատ է , իսկ մնացած մասը գրունտային և սալարկված է: Գրունտային ճանապարհները նորմալ վիճակում է : Ծրագրով նախատեսվում է բարեկարգել գրունտային ճանապարհներից կարևորագույնները` սալարկել և ասֆալտապատել:						

Ծ Ր Ա Գ Ր Ի Ա Ն Ձ Ն Ա Գ Ի Ր 6

«Համայնքային Արվեստի դպրոցի կառուցում, մշակույթի տների վերանորոգում և կահավորում »
(Ծրագրի անվանում)

Պարտադիր խնդիր, որի լուծմանն է միտված ծրագիրը	Համայնքի մշակութային կյանքի կազմակերպում						
Ծրագրի անմիջական նպատակ	Համայնքաբնակների մշակութային կյանքի ակտիվացման ապահովում						
	Ցուցանիշներ աճ (%)	Ելակետայի և արժեք	Թիրախային արժեքներ				
		2023	2023	2024	2025	2026	2027
		0	40	50	70	80	90
Ծրագրի միջանկյալ արդյունքներ	1. Կահավորված և վերանորոգված արվեստի դպրոց						
	Ցուցանիշներ	Ելակետայի և արժեք	Թիրախային արժեքներ				
		2023	2023	2024	2025	2026	2027
		0	50	70	75	80	90
Ծրագրի հիմնական գործողությունները	1-ին միջանկյալ արդյունքն ապահովող գործողություններ						
	1.1. Նախագծա-նախահաշվային փաստաթղթերի կազմում						
	1.2. Կնքել պայմանագիր հաղթող շին. կազմակերպության հետ իրականացնել աշխատանքները						
	2-ին միջանկյալ արդյունքն ապահովող գործողություններ						
Ծրագրի բյուջեն	Ընթացիկ ծախսեր՝ 3 մլն դրամ						
	Կապիտալ ծախսեր՝ 107 մլն դրամ						
	Ընդհանուր բյուջեն՝ 110 մլն դրամ						
Ծրագրի իրականացման համար անհրաժեշտ այլ ռեսուրսներ	1.դրամական միջոցներ 2.Նախագծի առկայություն 3.Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Մշակութային կյանքի ապահովումը և զարգացումը արտահայտվում է մարդկանց գործունեության և կյանքի կազմակերպման ձևերով, իսկ Գյուլագարակ համայնքը աչքի է ընկնում իր ակտիվ և տաղանդավոր բնակչությամբ, ավանդույթներով և նորը ստեղծելու ձգտումներով :Համայնքի մշակութային տների վերանորոգումը , Արվեստի դպրոցի կառուցումը կնպաստի մեր համայնքի մշակութային կյանքը պահող և պահպանող կենսական ուժը:						
ԸՎԵՍԻ							

«Եկեղեցիների վերանորոգում»
(Ծրագրի անվանում)

Պարտադիր խնդիր, որի լուծմանն է միտված ծրագիրը	Գյուլագարակ համայնքի կիսավեր եկեղեցիների վերականգնում:						
Ծրագրի անմիջական նպատակ	Համայնքի ազգաբնակչության հոգևոր դաստիարակության						
	Ցուցանիշներ	Ելակետային և արժեք	Թիրախային արժեքներ				
		2023	2023	2024	2025	2026	2027
		70	70	70	70	70	70
Ծրագրի միջանկյալ արդյունքներ	1. Բնակչության ազգային հոգևոր և կրոնական ավանդույթների պահպանում և զարգացում						
	Ցուցանիշներ (վերանորոգում %)	Ելակետային և արժեք	Թիրախային արժեքներ				
		2023	2023	2024	2025	2026	2027
		0	0	30	60	70	80
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. կազմել ծրագրի իրականացման նախագծա-նախահաշվային փաստաթղթերը. 1.2. կազմակերպել գնումների գործընթաց, կնքել պայմանագրեր շինարարական աշխատանքների համար						
Ծրագրի բյուջեն	Այլ աղբյուրներ` 250 մլն դրամ Ընդհանուր բյուջեն` 7 մլն դրամ						
Ծրագրի իրականացման համար անհրաժեշտ այլ ռեսուրսներ	1.Դրամական միջոցներ 2.Նախագծի առկայություն 3.Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Եկեղեցիների վերանորոգումը, վերականգնումը կնպաստի հոգևոր և կրոնական ավանդույթների վերականգնմանն ու պահպանմանը: Բավարար միջոցները չլինելու պատճառով այդ մեծ ցանկությունը մնացել է անկատար:						

Ծ Ր Ա Գ Ր Ի Ա Ն Ձ Ն Ա Գ Ի Ր 8

«Սպորտ դպրոցի և սպորտային հրապարակների կառուցում »
(Ծրագրի անվանում)

Պարտադիր խնդիր, որի լուծմանն է միտված ծրագիրը	Համայնքում մարզական կյանքի կազմակերպումը, ֆիզիկական կուլտուրայի և առողջ ապրելակերպի խրախուսում		
Ծրագրի անմիջական նպատակ	Սպորտ դպրոցի կառուցում		
	Ցուցանիշներ	Ելակետային և արժեք	Թիրախային արժեքներ

		2023	2023	2024	2025	2026	2027
		0	40	50	60	70	100
Ծրագրի միջանկյալ արդյունքներ	1. Մարզային սպորտային մրցություններում համայնքի ներգրավվածությունը						
	Ցուցանիշներ (%)	Ելակետային և արժեք	Թիրախային արժեքներ				
		2023	2023	2024	2025	2026	2027
		0	10	15	20	30	40
Ծրագրի հիմնական գործողությունները	1-ին միջանկյալ արդյունքն ապահովող գործողություններ						
	1.1. կազմել ծրագրի իրականացման նախագծա-նախահաշվային փաստաթղթերը.						
	1.2. կազմակերպել գնումների գործընթաց, կնքել պայմանագրեր շինարարական աշխատանքների համար						
Ծրագրի բյուջեն	Ընթացիկ ծախսեր՝ 4 մլն դրամ Կապիտալ ծախսեր՝ 200 մլն դրամ Ընդհանուր բյուջեն՝ 204 մլն դրամ						
Ծրագրի իրականացման համար անհրաժեշտ այլ ռեսուրսներ	1. Դրամական միջոցներ 2. Նախագծի առկայություն 3. Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027 թվականներ						
Ծրագրի համառոտ նկարագրություն	Գյուլագարակ համայնքում սպորտային պարապմունքների անցկացման համար չկան բավարար պայմաններ: Ուստի ծրագրի իրականացումը կնպաստի երիտասարդների սպորտային առաջընթացին և հաջողությունների գրանցմանը:						

Ծ Ր Ա Գ Ր Ի Ա Ն Զ Ն Ա Գ Ի Ր 9

«Անասնապահության խթանում, արոտավայրերի բարեկարգում»
(Ծրագրի անվանում)

Պարտադիր խնդիր, որի լուծմանն է միտված ծրագիրը	Արտավայրերի բարելավումը և անասնապահության խթանում						
Ծրագրի անմիջական նպատակ	Արոտավայրերի բարելավում						
	Ցուցանիշներ	Ելակետային և արժեք	Թիրախային արժեքներ				
		2023	2023	2024	2025	2026	2027
		0	5	20	30	40	60
Ծրագրի միջանկյալ արդյունքներ	1. Հեռագնա արոտավայրերի ճանապարհների բարեկարգում						
	Ցուցանիշներ (%)	Ելակետային և արժեք	Թիրախային արժեքներ				
		2023	2023	2024	2025	2026	2027
		0	5	20	30	40	60

Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. հետազոտական աշխատանքներ 1.2. նախահաշիվ նախագծում 1.3. հովվատների և ճանապարհների կառուցում 1.4. ջրախմոցների վերականգնում						
Ծրագրի բյուջեն	Ընթացիկ ծախսեր՝ 1 մլն դրամ Կապիտալ ծախսեր՝ 5 մլն դրամ Ընդհանուր բյուջեն՝ 6 մլն դրամ						
Ծրագրի իրականացման համար անհրաժեշտ այլ ռեսուրսներ	1. Դրամական միջոցներ 2. Նախագծի առկայություն 3. Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Ծրագրի գլխավոր նպատակն է խթանել համայնքի անասնազլխաքանակի , նոր ցեղատեսակների ինչպես նաև ֆերմերների թվի ավելացումը: Ծրագրի գլխավոր նախապայմաններից է կառուցել մոտակա սարերի հովվատները, բարեկարգել հովվատներ տանող ճանապարհները, ավելացնել ջրախմոցները, այդպիսով թեթևացնելով գերծանրաբեռնված արոտավայրերը:						

ԾՐԱԳՐԻ ԱՆՁՆԱԳԻՐ 10

«Գյուղատնտեսություն»

(Ծրագրի անվանում)

Պարտադիր խնդիր, որի լուծմանն է միտված ծրագիրը	Արդյունավետ գյուղատնտեսություն						
Ծրագրի անմիջական նպատակ	Տրակտորային պարկի հիմնում						
	Ցուցանիշներ	Ելակետային արժեք	Թիրախային արժեքներ				
		2023	2023	2024	2025	2026	2027
		0	0	20	30	40	60
	1. ռոռզման համակարգի կառուցում						

Ծրագրի միջանկյալ արդյունքներ	Ցուցանիշներ (%)	Ելակետային արժեք	Թիրախային արժեքներ				
		2023	2023	2024	2025	2026	2027
		0	0	10	20	40	60
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. հետազոտական աշխատանքներ 1.2. նախահաշիվ նախագծում 1.3. գյուղտեխնիկայի ձեռքբերում 1.4. ոռոգման համակարգի կառուցում						
Ծրագրի բյուջեն	Ընթացիկ ծախսեր՝ 15 մլն դրամ Կապիտալ ծախսեր՝ 300 մլն դրամ Ընդհանուր բյուջեն՝ 315 մլն դրամ						
Ծրագրի իրականացման համար անհրաժեշտ այլ ռեսուրսներ	1.Դրամական միջոցներ 2.Նախագծի առկայություն 3.Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Տրակտորային պարկի ստեղծմամբ և ժամանակակից գյուղտեխնիկայի առկայությամբ կունենանք հողի որակյալ մշակում և բարձր բերքատվություն, կսահմանվի միջհամայնքային մատչելի սակագներ: Ոռոգման համակարգի ստեղծումը կնպաստի բերքատվության բարձրացմանը ինտենսիվ այգիների և ոչ ավանդական մշակաբույսերի տարածմանն ու խթանմանը: Արդյունքում կունենանք շահավետ գյուղատնտեսություն:						

(Ծրագրի անվանում)

Պարտադիր խնդիր, որի լուծմանն է միտված ծրագիրը	Համայնքում նախադպրոցական օջախների վերակառուցում և զարգացում						
Ծրագրի անմիջական նպատակ	Մանկապարտեզների կառուցում և վերանորոգում						
	Ցուցանիշներ	Ելակետայի ն արժեք	Թիրախային արժեքներ				
		2023	2023	2024	2025	2026	2027
		0	60	70	80	90	100
Ծրագրի միջանկյալ արդյունքներ	1. Մանկապարտեզների կահավորում						
	Ցուցանիշներ (%)	Ելակետայի ն արժեք	Թիրախային արժեքներ				
		2023	2023	2024	2025	2026	2027
		0	40	50	70	80	100
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. կազմել ծրագրի իրականացման նախագծա-նախահաշվային փաստաթղթերը. 1.2. կազմակերպել գնումների գործընթաց, կնքել պայմանագրեր շինարարական աշխատանքների համար						
Ծրագրի բյուջեն	Ընթացիկ ծախսեր՝ 10 մլն դրամ Կապիտալ ծախսեր՝ 325 մլն դրամ Ընդհանուր բյուջեն՝ 335մլն դրամ						
Ծրագրի իրականացման համար անհրաժեշտ այլ ռեսուրսներ	1.Դրամական միջոցներ 2.Նախագծի առկայություն 3.Աշխատուժ						
Ծրագրի հիմնական ռիսկերը	Դրամական միջոցների ձեռք բերում						
Ծրագրի հիմնական շահառուները	Համայնքի բնակչություն						
Ծրագրի սկիզբ և ավարտ	2023- 2027թվականներ						
Ծրագրի համառոտ նկարագրություն	Նախադպրոցական կրթության հիմնական նպատակներն են, 1. երեխայի ֆիզիկական բարոյական և հոգեկան առողջության պահպանումը և ամրապնդումը: 2. նախադպրոցական երեխաների ներդաշնակ զարգացումն ու դաստիարակությունը 3 . դպրոցական ուսուցման նախապատրաստումը :						

ԾՐԱԳՐԻ ԱՆՁՆԱԳԻՐ 12

«Գարգառ գետի էկոհամակարգի վերականգնում»
(Ծրագրի անվանում)

Պարտադիր խնդիր, որի լուծմանն է միտված ծրագիրը	Պուշկին, Գարգառ, Գյուլագարակ, Հոբարձի, Վարդաբլուր և Կուրթան բնակավայրերի կոյուղաջրերի մաքրում						
Ծրագրի անմիջական նպատակ	Նախագծման աշխատանքներ						
	Ցուցանիշներ	Ելակետային արժեք	Թիրախային արժեքներ				
		2023	2023	2024	2025	2026	2027
		0	0	20	40	60	100
Ծրագրի միջանկյալ արդյունքներ	1. կոյուղաջրերի մաքրման համակարգի ստեղծում						
	Ցուցանիշներ (%)	Ելակետային արժեք	Թիրախային արժեքներ				
		2023	2023	2024	2025	2026	2027
		0	0	0	20	60	90
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. կազմել ծրագրի իրականացման նախագծմանախահաշվային փաստաթղթերը. 1.2. կազմակերպել գնումների գործընթաց, կնքել պայմանագրեր շինարարական աշխատանքների համար						
Ծրագրի բյուջեն	Ընթացիկ ծախսեր՝ 10 մլն դրամ Կապիտալ ծախսեր՝ 325 մլն դրամ Ընդհանուր բյուջեն՝ 335մլն դրամ						
Ծրագրի իրականացման համար անհրաժեշտ այլ ռեսուրսներ	1.Դրամական միջոցներ 2.Նախագծի առկայություն 3.դոնոր կազմակերպությունների ներգրավում						
Ծրագրի հիմնական ռիսկերը	Դրամական միջոցների ձեռք բերում						

Ծրագրի հիմնական շահառուները	Համայնքի բնակչություն և շրջակա միջավայրը
Ծրագրի սկիզբ և ավարտ	2023- 2027թվականներ
Ծրագրի համառոտ նկարագրություն	- Էականորեն կմաքվի Գարգառ գետը՝ ամբողջ երկայնքով - Գյուղերում կբարելավվի սանիտահիգիենիկ միջավայրը - Չտման արդյունքում գոյացած տիղմը կօգտագործվի որպես պարարտանուկ - Կստեղծվեն նոր աշխատատեղեր

5.ՀԶՀԾ-Ի ԻՐԱԿԱՆԱՑՈՒՄԸ, ՄՇՏԱԴԻՏԱՐԿՈՒՄԸ(ՄՈՆԻԹՈՐԻՆԳԸ) և ԳՆԱՀԱՏՈՒՄԸ, ՎԵՐԱՀՄԿՈՒՄԸ, ՀԱՇՎԵՏՎՈՒԹՅՈՒՆՆԵՐԻ ԿԱԶՄՈՒՄԸ, ՎԵՐԱՆԱՑՈՒՄԸ **ՀԶՀԾ-Ի ԻՐԱԿԱՆԱՑՈՒՄԸ**

Համայնքի յուրաքանչյուր տարվա բյուջեի նախագծի կազմման ծրագրային հիմքը ՀԶՀԾ-ում համապատասխան տարվա նախատեսված ոլորտային ծրագրերը և միջոցառումներն են , որոնց իրականացման համար հաշվարկվել են եկամուղտներ և ծախսեր: Գործնականում , ՀԶՀԾ-ի իրականացումը հանգում է հիմնականում(չհաշված ֆինանսավորման այլ աղբյուրների հաշվին նախատեսված ծրագրերը և միջոցառումները) համայնքի հինգ տարիների բյուջեների կատարմանը: ՀԶՀԾ-ում ներառված յուրաքանչյուր ոլորտային ծրագրի ղեկավարն անաձնական պատասխանատվություն է կրում ծրագրով նախատեսված աշխատանքների համակարգման, համապատասխան ծախսերի կատարման , արդյունքների ստացման, հաշվետվությունների պատրաստման և համայնքի ղեկավարին ներկայացման համար:

ՀԶՀԾ –ի մշտադիտարկումը (մոնիթորինգը)

ՀԶՀԾ-ի մոնիթորինգն իրականացվելու է ըստ ոլորտային և բնակավայրային ծրագրերի ու միջոցառումների աշխատանքների կատարման ցուցանիշների:

ՀԶՀԾ-ի ներքին մոնիթորինգի արդյունքները փաստաթղթի տեսքով համայնքի ղեկավարը օրենքով սահմանված կարգով կներկայացնի համայնքի ավագանուն՝ ի գիտություն:

ՀԶՀԾ-ում ներառված ծրագրերի միջոցառումների մոնիթորինգի և գնահատման վերաբերյալ տեղեկատվության ներկայացման ձևանմուշը

Աղյուսակ 8

Ոլորտ.					
Ծրագիր.					
Միջոցառում.					
Արդյունքային ցուցանիշները		2023թ., 1-ին կիսամյակ / տարեկան			
տեսակը	անվանումը	պլան.	փաստ.	շեղում	մեկնաբանություն
Մուտքային					
Ելքային (քանակական)					
Ելքային (որակական)					
Ելքային (ժամկետայնության)					

Արդյունավետության					
Ծախսեր, հազար դրամ					

ՀԶՀԾ –ի վերահսկումը

ՀԶՀԾ –ի վերահսկողությունը ապահովում է ՀԶՀԾ –ում ներառված ծրագրերի ամբողջական իրականացումը, ռեսուրսների արդյունավետ օգտագործումն առաջադրված խնդիրները կատարելու, ակնկալվող արդյունքները ձեռք բերելու և սահմանված նպատակներին հասնելու համար, ծրագրերի պաշտպանականությունը սխալներից ու ձախողումներից, ժամանակին ու ճշգրիտ տեղեկատվության ստացումը ՏԻՄ-երի հիմնավորված որոշումների կայացման համար:

ՀԶՀԾ-ի վերահսկողությունը ենթադրում է՝

- ՀԶՀԾ- մշակման , քննարկման և իրականացման ընթացակարգերի հստակ պահպանում
- Ոլորտային ծրագրերով առաջադրված խնդիրների կատարման արդյունքների ստուգում
- Ոլորտային ծրագրերի պահանջներից շեղումների պարզաբանու և պատճառների բացահայտում
- ՀԶՀԾ-ի ծրագրերի իրականացումից ստացված արդյունքների ամփոփում և համադրում ծրագրերի նպատակների , միջոցառումների և նախատեսված արդյունքների հետ:
- ՀԶՀԾ-ի վերահսկողության արդյունքները ներկայացվում են ավագանուն ` ի գիտություն

ՀԶՀԾ –ի տարեկան և հնգամյա գնահատումը

ՀԶՀԾ-ի իրականացման տարեկան կամ հնգամյա գնահատումը կատարվում է հիմնվելով ՀԶՀԾ-ի կիսամյակային մոնիթորինգների արդյունքների վրա:

Համայնքի ղեկավարը կազմակերպում և անցկացնում է ՀԶՀԾ-ի իրականացման տարեկան հաշվետվության աշխատանքային քննարկումներ, այնուհետև՝ համայնքի կազմում ընդգրկված բոլոր բնակավայրերում կազմակերպում և անցկացնում է ՀԶՀԾ-ի իրականացման տարեկան հաշվետվության նախագծի հանրային բաց լսումներ և (կամ) քննարկումներ՝ հատուկ ուշադրություն դարձնելով տվյալ բնակավայրին վերաբերող ծրագրերի ու միջոցառումների իրականացման հարցերին:

Բոլոր բնակավայրերում անցկացված հանրային քննարկումների արդյունքներով, ՀԶՀԾ-ի իրականացման տարեկան հաշվետվության լրամշակված նախագիծը և դրան կից փաստաթղթերը համայնքի ղեկավարը ներկայացնում է համայնքի ավագանու քննարկմանը և որոշման կայացմանը:

ՀԶՀԾ-ի իրականացման տարեկան հաշվետվության նախագծի կազմման, քննարկման, և որոշման կայացման վերաբերյալ ընթացակարգերը նույնությամբ վերաբերում են նաև **ՀԶՀԾ-ի** իրականացման հնգամյա հաշվետվության նախագծի կազմմանը, քննարկմանը և որոշման կայացմանը:

ՀԶՀԾ-ի վերանայումը

Հիմնվելով **ՀԶՀԾ-ի** իրականացման տարեկան հաշվետվության վերաբերյալ համայնքի ավագանու կայացրած որոշման վրա, **ՀԶՀԾ-ի** վերանայման անհրաժեշտության դեպքում, համայնքի ղեկավարը **ՀԶՀԾ-ում** փոփոխություններ և լրացումներ կատարելու վերաբերյալ իր (կամ) համայնքի ավագանու անդամներից ստացված բոլոր առաջարկությունները ներկայացնում է համայնքի ավագանու քննարկմանը և հաստատմանը:

Համայնքի ավագանու անդամի կամ անդամների առաջարկած այն փոփոխությունները և կամ լրացումները, որոնք ավելացնում են **ՀԶՀԾ-ի** իրականացման ծախսերը, համայնքի ավագանու որոշմամբ ընդունվում են միայն համայնքի ղեկավարի եզրակացության առկայությամբ և ավագանու նիստին ներկա անդամների ձայների երկու երրորդով:

ՀԶՀԾ-ի փոփոխությունները և կամ լրացումները, ավագանու հաստատումից հետո, հրապարակվում են ՀՀ օրենսդրությամբ սահմանված կարգով:

6.Եզրափակում

Համայնքի զարգացման ծրագիրը հանդիսանում է Գյուլագարակ համայնքի առաջիկա հինգ տարիների զարգացման ուղեցույցը և տեսլականը: Զարգացման ծրագրի լիարժեք իրականացումը ապահովելու է համայնքի համաչափ զարգացումը, համայնքի բնակիչների կենսամակարդակի բարձրացումը, նյութական և մարդկային ռեսուրսների արդյունավետ կառավարումը, զբոսաշրջության զարգացումը, ներդրումների ավելացումը, բնակիչների համար էլ ավելի բարեկեցիկ ու բնակության համար բարենպաստ համայնք դառնալը: Զարգացման ծրագրով նախատեսված ծրագրերի իրականացումը կապահովի համայնքի բնակչության սոցիալ-տնտեսական իրավիճակի բարելավումը, կնպաստի նոր աշխատատեղերի ստեղծմանը:

Ծրագրի իրականացման համար անհրաժեշտ է օգտագործել համայնքի ողջ ներուժը, ներգրավել արտաքին միջոցներ, համագործակցել պետական կառույցների հետ, դիմել տեղական և միջազգային կառույցների: Ելնելով համայնքի սոցիալ-տնտեսական վիճակից և զարգացման տեմպերից, յուրաքանչյուր հաջորդ տարիների տարեկան բյուջեների հաստատման ժամանակ հնարավոր է որոշակի փոփոխություններ և շտկումներ , որը օրենքի ուժ կստանա համայնքի ավագանու համապատասխան որոշում ընդունելուց հետո: Համայնքի զարգացման ծրագրում փոփոխություններ կարող են կատարվել` հիմք ընդունելով համայնքի բնակիչերի , համայնքի ավագանու անդամներից ստացված առաջարկությունները , ինչպես նաև համայնքի ղեկավարի առաջարկությունը: